

是我故身在生之日不孝父母事君不忠不敬三尊不隨師父之教令我墮罪苦痛難言悉我故身故來鞭耳稍稍前行復見一死入天神來下散花於死人屍上以手摩抄之行人問言觀君似是天何故摩抄是死屍答曰是我故身生時之日孝順父母忠信事君奉

敬三尊承受師父之教令我神得生天皆是故身之恩是以來報之耳行人一日見此二變便還家奉持五戒修行十善孝順父母忠信事君示語後世人罪福追人久而不置不可不慎

昔有道人在山中學道道人遣沙弥出舍分衛日日責一升米兼課一偈市中有一坐肆賢者見沙弥並語而行問沙弥言周行走索何以並語而行沙弥答言我師在山中學道日責我米一升兼課一偈是以並行誦一偈耳賢者復問若不輸米日可諳幾偈言可諳十偈賢者便言勿復分衛吾自代沙弥輸米

寫五

六

沙弥歡喜即得靜坐學問賢者為沙弥輸米九斛然後試沙弥經皆自通利賢者後生世間為天尊作弟子字名阿難天尊有十二部經典聰明之福報悉能誦持智不可量問一知十示語後世人福德隨身如影隨形隨人所種各獲其福不可不為

昔有屠兒有千頭牛養令肥好日殺一牛賣肉已殺五百牛餘有五百頭方共跳騰誼戲共相舐觸天尊時入國見牛如此愍而捨去語諸弟子此牛愚癡伴侶欲盡方共戲誼人亦如是一日過去人命轉滅不可不思惟勤求度世之道

阿育王譬喻經

阿育王經卷第一

梁扶南三藏僧伽婆羅譯

生因緣品第一

佛住王舍城竹林迦蘭陀精舍於彼早起著衣持鉢與比丘眾圍遶入王舍成乞食是時

空中而說頌曰

佛身如金山 行步如象王 面兒甚端嚴

猶若於滿月 與比丘圍繞 俱行入於城

尔時世尊將欲入城足履門闕有種種不思

議事盲者得視聾者能聽啞者能語跛者能

行牢獄繫閉皆得解脫有怨憎者悉生慈悲

寫五

七

犢子繫縛自然解脫往其母所一切諸獸象

馬牛等心大歡喜悉皆嗚吼一切飛鳥鸚鵡

舍利俱翅羅孔雀等鳥鳴聲相和諸莊嚴具

銀釧釵瑠種種寶物在篋笥中自然出聲甚

可愛樂一切伎樂自然俱作是時此地自然

清淨無諸穢惡沙礫瓦石荆棘毒草六種震

動東涌西沒西涌東沒南涌北沒北涌南沒

中央涌四邊沒四邊涌中央沒周廻旋轉現

此種種奇特之事尔時空中復說偈言

一切大地 四海為依 國城諸山 以為莊嚴

世尊蹈地 六種震動 如海中船 為風所吹

時佛入城以神力故令一切人悉生喜踊如

大海水為風所吹一切人民而說偈言

世間可愛樂 無過佛入國 大地六種動

沙礫無遺餘 諸根不具者 悉皆得具足

一切眾樂器 自然出妙聲 佛光照諸國

如千日照世 以香水灑地 及栴檀末香

是時此國城 莊嚴中第一

寫五

尔時世尊行至大路於大路中有二小兒一

是何伽羅久履笥勝翻不兒一是久履笥勝翻不兒

此二小兒在沙中戲第一小兒名闍耶勝翻不第

二小兒名毗闍耶勝翻不此二小兒見世尊身

三十二相第一小兒以沙為糝捧內佛鉢第

二小兒合掌隨喜即說偈言

自然大慈悲 圓光莊嚴身 已遠離生死

我今一心念 以心念佛故 捧沙以供養

是時闍耶供養已而發願言以此善根當令

我為一繖地王於佛法中廣作供養佛知其

心見其正願未來之世有勝妙果由佛如來

為福田故以慈悲心而受此沙即便含笑身

出諸光青黃赤白或從頂出或膝下出膝下出光照八地獄寒者得煖熱者清涼光照其身苦惱皆除彼諸衆生心生疑惑我已脫苦爲即住此爲餘處生亦時世尊爲起善念復作化人令至其處彼衆生見而生心言我等今者非異處生但以此人力故令我脫苦復

寫五

八

於化人更生心念地獄報業悉皆消滅從彼命終生人天中有見諦處從頂出光照四天王乃至阿迦尼吒於光明中說苦無常空無我法復說偈言

當精進出家 相應於佛法 滅除生死軍
如象破宅舍 若人於佛法 勤行不放逸

捨一切生死 得一切苦滅

佛之光明能照三千大千世界照已還入佛身若佛欲記過去業報光從背入若佛欲記未來業報光從前入若佛欲記地獄生者光從足入若佛欲記畜生生者光從蹠入若佛欲記餓鬼生者光從脚趾入若佛欲記人生

者光從膝入若佛欲記鐵輪王生光從左掌入若佛欲記金輪王生光從右掌入若佛欲記天生光從齋入若佛欲記聲聞菩提光從口入若佛欲記緣覺菩提光從白毫相處入若佛欲記菩薩菩提光從肉髻入光從三千世界還者先繞佛三匝然後各隨所入今佛

含笑身出光明繞佛三匝從左掌入不無因緣是時阿難見已合掌而說偈言

佛除掉慢等 滅惡成勝因 不無因而笑
齒白如珂雪 以智慧能知 他所樂聞事
以最勝光明 能令彼疑滅 佛聲如雷震
眼猶如牛王 人天勝福田 當記施沙報

寫五

九

佛言阿難我於今者不無因笑有因緣故如來應正遍知現此含笑阿難汝見小兒以手捧沙置鉢中不阿難白佛唯然已見世尊又言此兒者我入涅槃百年後當生波吒利弗多城名阿育爲四分轉輪王信樂正法當廣供養舍利起八万四千塔饒益多人於是如

來復說偈言

我入涅槃後

當生孔雀姓

名阿育人王

樂法廣名聞

以我舍利塔

莊嚴閻浮提

是其功德報

施沙奉於佛

佛時取沙授與阿難而語之言汝取牛糞用

和此沙塗佛經行地阿難受教即用塗地乃

至波吒利弗多城有王名旃那羅笈多胡曰

時王有子名頻頭婆羅胡遍頻頭婆羅長子

名修私摩結善是時有詹波城婆羅門生一

女色兒端正國中第一相師記曰是女人當

作王后應生二子第一子作四分轉輪王第

二子出家得道婆羅門聞是語已生大歡喜

欲樂富貴將其女往波吒利弗多國以一切

莊嚴之具莊嚴其身而白頻頭婆羅王言我

女端正國中第一與王作婦王即納之以置

宮內一切內人皆作是念此女端正彼國家

勝若王見者必當樂著不愛我等諸內人等

思惟是已即便令其作剃毛師為王剃毛又

於一時王令剃為當剃毛時王便得眠王眠

既覺心生歡喜即語其言汝有所須隨意所

說即白王言我願與王共相娛樂時王語言

汝是剃毛師我是國王云何同汝復白王言

我是婆羅門女非剃毛師被婆羅門本欲以

我為王夫人王又問言誰令汝作剃毛師耶

荅言內人王又語言汝今勿復更為此事即

便取之以為夫人少時有娠十月生子時王

念言我今無憂即名此兒為阿輸柯即是阿

羅王欲相諸子誰堪紹繼即命外道相師名

賓伽羅跋娑胡善語言和尚我欲相諸王子

若我滅後誰堪為王賓伽羅跋娑荅言大王

欲相王子當入金殿乃至頻頭婆羅王將至

金殿時阿育母語阿育言大王今日欲相諸

子汝可往彼阿育荅言王不喜我云何得往

其母語言汝今但去阿育荅言今當如命願

母遣人將食至彼乃至阿育從波吒利弗多城出時有大臣名曰成護遇見阿育問言今者欲何處去阿育荅言今日大王於金殿上欲相諸子我今往彼成護即以窳勝舊象與阿育乘阿育乘象至金殿所至已於諸王中而便坐地諸王皆有種種飲食金銀爲器時阿育母即便遣人辦飯與酪盛以瓦器送與阿育是時頻頭娑羅王語相師言汝當次第相諸王子於我滅後誰堪爲王相師思惟若言阿育堪爲王王者不重之必當殺我思惟是已便白王言我今以因緣相不出其名王荅言好相師即言若王子中有好乘者便堪爲王大王復言汝可更相相師復言若勝坐處是堪爲王大王復言汝可更相相師復言有好飲食及以好器則堪爲王時諸王子聞其此言各各思惟若有好乘坐處飲食器者我當作王阿育思惟今此相師不出其名以相故說若好乘等堪爲王者我乘窳勝又坐

寫五

十一

大地飯酪第一我器地造以水爲飲如我所見我當作王是時相師問訊其母其母問言大王滅後誰當作王荅言阿育復語相師王或更問堪作王者汝可遠去不須住此若阿育得王汝當更來是時相師遠至餘國時頻頭娑羅王所領國名德叉尸羅欲爲叛逆不從王化頻頭娑羅王語阿育言汝可集四種兵往至波國器仗資物悉不與之乃至阿育領四兵衆從波吒利弗多國出衆人白阿育言我等今者無有器仗及以資物云何當能征伐彼國阿育荅言若有功德應爲王者器仗資物自然而出作此語已應時地開器仗資物一時而出是時阿育領四種兵伐德叉尸羅時德叉尸羅人民聞阿育來出半由旬莊嚴道路香水灑地奉迎阿育而說言我等迎王不爲鬪諍亦不與彼大王相嫌但王所遣大臣在我國者爲治無道願欲廢之是時人民以諸供具供養阿育迎至國中如是乃

至廣說時阿育王遣使往佉師國佉師國中
有二健兒白其王言我等二人力能平山彼
阿育來不足臣事是時諸天而發聲言阿育
當爲四分轉輪王領閻浮提不可逆也時頻
頭娑羅王長子修私摩從苑中還入波吒利
弗多城是時頻頭娑羅王第一大臣頂上無
髮從城內出中路相逢修私摩戲以手拍其
頭是時大臣思惟說言其今尚以手拍我若
作王時汝當以刀害我宜作方便令其後時
不得爲王是時大臣令五百臣離修私摩又
言阿育當爲四分轉輪王我等應當悉共事
之乃至令德叉羅人民反此大王不復臣屬
頻頭娑羅王遣修私摩往征伐之時修私摩
雖復到彼而不能伐是時阿育自還本國頻
頭娑羅王身遇重病命將欲絕勅語使人可
遣阿育更往德叉尸羅國速令修私摩還我
今欲以國事付之今時諸臣以黃薑汁塗阿
育身示作病相復煮落寫五不解汁以鉢盛之十一

置在一處唱阿育病是時頻頭娑羅王未終
之頃諸大臣等莊嚴阿育至大王所白大王
言此是王子大王應當授之王位若修私摩
還我復當以王位與之是時大王聞是語已
心大瞋忿時阿育言若我如法得爲王者天
當即時與我天冠作是言已諸天即以天冠
著其頭上大王見已倍生瞋恚遂有熱血從
其口出即便命終阿育於是即登王位登王
位已即拜成護爲第一臣是時修私摩聞大
王終阿育就位生大瞋恚即與兵衆欲伐阿
育時阿育王於其城中出多兵衆守城四門
令二勇猛大力之將領諸兵衆守南西二門
復令大臣成護領諸兵衆守城北門時阿育
王自領兵衆守城東門大臣成護以諸方便
於城東門作諸機關刻木以爲阿育王身及
諸軍衆掘地作坑與無煙火以物覆之復以
燥土用置其上時修私摩領諸兵衆欲攻北
門成護語言汝莫大我當攻東門汝若得殺

阿育王者我自降伏時修私摩便從其語即迴軍衆往攻東門見機閑人悉皆不動於是直前即墮火坑自燒而死修私摩死已彼有軍主名跋陀羅翻由他翻大力勇健領諸軍衆其數過千於佛法中出家修道即得阿羅漢果時阿育王領理國事有五百大臣於阿

寫五

十三

育王起輕慢心阿育王語諸大臣汝可折取花果樹以護棘刺樹諸臣荅言大王不爾當折取棘刺樹以護花果樹阿育王復言不如是當折取花果樹護棘刺樹如是至三時諸大臣不受其教阿育王瞋即自拔刀斬五百臣首乃至阿育王復於一時將五百姝女入

於後園園中有樹名阿輪柯樹生花葉阿輪柯王見而悅言此樹與我同名是故歡喜時阿育王身體鹿澁諸女人等不欲近之王園中眠諸女人等為欲令王不歡喜故折樹花葉乃至令盡阿育王覺見無花葉而問諸女樹花脫盡誰之所作諸女荅言我等所為阿

育王瞋即以竹箔裹諸女人以火燒之以其惡故時人謂為栴陀阿輪柯王翻可大臣成護白栴陀阿輪柯王如是所作若打若殺當付餘人不應自作王即募覓能行殺者是時山中有村村中有人善織衣業而王一子其父字之名者利柯翻其人可畏能行不仁恒罵父母家中男女悉皆打拍乃至一切衆生無不殺害常以網捕為業以其殺害多故人復謂之栴陀耆利柯翻可王覓惡人而值遇之使者語言王今欲以殺害治人汝能為不其人荅言閻浮提中悉令殺盡我亦能為使者以其所說還白大王王即語言將此人來使者受教往彼語之王令汝來其荅使言且待少時須見父母即白父母阿育大王欲以一切殺害治人令我為之我今欲去父母不許其人恚故便害父母還使人處使人語言汝來何遲其人荅言父母不聽我來我已害之後至王處白大王言欲治人者當作牢獄

莊嚴獄門極令華麗令見之者無不受樂復
白王言請王嚴教有入獄者悉不得出王言
甚善是時旃陀耆利柯往至雜寺寺中有一
比丘誦修多羅修多羅中說地獄事謂鑊湯
鑊炭刀山劔樹等種種苦事若有人生地獄
者隨罪治之乃至廣說如五天使修多羅中

寫五

十四

說地獄事是時旃陀耆利柯聞此語已一切
隨之造地獄具時舍衛國有一商主共婦入
海至海生兒仍名兒為海乃至于十三年海
中往返遇五百賊害此商主奪其財物唯兒
得免後於佛法出家次第遊行至波吒利弗
多國至已早起著衣持鉢入國乞食以不悉
故見地獄門種種莊嚴便入其中為欲乞食
入已見諸苦具即便欲出旃陀耆利柯見而
執之語言汝今受死不得出也是時比丘心
懷怖懼啼泣流淚旃陀耆利柯語言汝今何
事啼泣猶如小兒比丘荅言我不惜此身但
為值遇解脫難故出家難得我今已得釋迦

難值我已得值法中真法我猶未得是故憂
惱旃陀耆利柯語比丘言我已受大王命有
入此獄者悉不得出是時比丘啼泣而言汝
當伸我一月荅言一月不可聽至七日比丘
思惟死近勤修精進至滿七日時有王子共
內人語阿育王見而生瞋忿即令將此二人

付獄治罪旃陀耆利柯即以二人置鐵臼中
以杵搗之比丘見已深生怖畏即說偈言

大師佛慈悲 第一仙正說 此色如泡聚

不實不常住 此身色端嚴 滅為何所趣

是故應捨離 癡人不樂法 此緣我當知

解脫在此獄 依此當得度 三有之海岸

寫五

十五

亦時比丘於一夜中精進思惟斷除煩惱即
得阿羅漢果旃陀耆利柯語比丘言是夜已
過明相已現受苦時至汝應知之比丘荅言
我今不知汝之所說是夜已過明相已現惟
能自知無明夜過智慧日現我以智慧日光
見一切世間皆無有實是故我今欲以佛法

攝諸世間語旃陀耆利柯言我今此身隨汝
 意作是時獄主無慈悲心不見世間即大瞋
 怒以此比丘置鐵鑊中盛以膿血屎尿雜穢
 多以薪火煮此比丘乃至薪盡身不爛壞是
 時獄主見其不異即生瞋忿打罵獄卒汝今
 何故不多與火獄主即便自與薪火而火不
 燃既見不燃便看鑊中見此比丘坐蓮華上
 結跏趺坐見是事已即往白王時王聞已與
 一切人民共往看之是時比丘即以神力於
 一念頃從鐵鑊出身升虛空譬如鵝王飛騰
 空中現十八變時阿育王見此比丘猶如破
 山林於空中心生歡喜而說偈言

汝身同人身 神力過人力 我不知此事
 汝今為是誰 是故當正說 應令我知之
 若我知此事 當為汝弟子
 余時比丘心自思惟此王今能堪受佛語當
 廣作塔供養舍利為一切人受法饒益作是
 思惟已欲顯其功德而說偈言

佛滅一切漏 無比大慈悲 最勝論議師
 我是彼弟子 無盡正法力 不著一切有
 佛人中牛王 自調復調他 令我今得脫
 三有之牢獄

復次大王如佛所記我入涅槃百年後於波
 吒利弗城當有王名阿輸柯作四分轉輪王
 於我舍利廣作供養起八万四千塔復次大
 王王所起獄與地獄等於此獄中殺害無數
 王當除之於一切衆生施與無畏大王今應
 滿世尊意即說偈言

是故大人王 於一切衆生 當起慈悲心
 施與無怖畏 當滿世尊意 廣起舍利塔

寫五

十六

余時阿育王生念佛心合掌懺悔而說偈言
 我歸依佛法 及世尊弟子 汝今十力子
 當起忍辱心 我所作衆惡 悉懺悔於汝
 今當修精進 深生恭敬心 成莊嚴此地
 以種種佛塔 其白如珂雪 如佛之所記
 比丘答言善哉即以神力還其所住時阿育

王欲從獄出旃陀耆利柯合掌說言大王當知我已受命入此獄者皆不得出時王語言汝今欲殺我耶答言如是王言我等誰敢前入旃陀耆利柯答言我最前入時王語諸獄卒捉旃陀耆利柯置落可屋翻不解以火焚之又復令人破壞此獄於一切衆生施與無畏

時王生心欲廣造佛塔莊嚴四兵往阿闍世王所起塔處名頭樓那翻至已令人壞塔取佛舍利如是次第乃至七塔皆取舍利復往一村名曰羅摩翻於此村中復有一塔最初起者復欲破之以取舍利時有龍王即將阿育入於龍宮而白王言此塔是我供養王當

留之王即聽許是龍王復將阿育至羅摩村時王思惟此塔第一是故龍王倍加守護我於是塔不得舍利思惟既竟還其本國時阿育王作八萬四千寶函分布舍利遍此函中復作八萬四千瓶及諸幡蓋付與夜叉令於一切大地乃至大海處處起塔又言國有三

十七末

種小中大若國出千萬兩金者是處應起一王塔是時德叉尸羅國出三十六千萬兩金彼國人民白阿育王言王當與我三十六函王聞是語即便思惟我欲處處廣造佛塔云何此國頓得多耶時王以善方便語彼人民今當除汝三十五千萬兩金又言若國有多

塔若國有少塔從今已去悉聽不復輸金與我乃至阿育王往耶舍大德阿羅漢處說言我欲於一日一念中起八萬四千塔一時俱成而說偈言

於先七塔中 取世尊舍利 我孔雀姓王 一日中造作 八萬四千塔 光明如白雲

乃至阿育王起八萬四千塔已守護佛法時諸人民謂為阿育法王一切世人而說偈言大聖孔雀王 知法大饒益 以塔印世間 捨惡名於地 得善名法王 依法得安樂

阿育王經卷第一 寫五

鹵簿上音魯下音部券丘卷隴上反丘勇審車駕次第日

穀上音教地 鋏上七音 可下音甫 摩反鐮 抄下何反
 諺市傳言也 跛反也 者上博 我反也 篋反也 跌失也 帖反也
 門下苦本也 反也 寺音也 反也 舟音也 反也 骨音也 反也 跌音也 反也 趾音也 反也 齋音也 反也 輸音也 反也 柯音也 反也 下音也 反也 舉音也 反也 一音也 反也 冊音也 反也 寫音也 六音也

二卷合一冊

阿育王經卷第二

阿育王經卷第三

阿育王經卷第二

梁扶南三藏僧伽婆羅譯

見優波笈多因緣品第二

爾時阿育王起八萬四千舍利塔已生大歡

喜與諸大臣共往雞寺到已於上座前合掌

禮拜而作是言佛一切見者記我以沙施佛

今得是報更復有人佛所記不彼時上座比

丘名耶舍翻名 答阿育王言亦有世尊未涅

槃時有龍王名阿波羅囉翻無 復有陶師及

拏陀羅翻龍 龍王佛化是等竟至摩偷羅國於

摩偷羅國告長老阿難言此摩偷羅國如來

涅槃百年之後當有賣香商主名曰笈多其

後生兒名優波笈多最勝教化為無相佛我

涅槃後當作佛事復告阿難汝今見彼遠青

林不阿難答言已見佛言彼有山名優樓漫

陀如來涅槃百年之後當於彼山起寺名那

哆婆哆最勝坐禪處於時世尊而說偈言

教化弟子中 智慧軍第一 世尊之所記

名優婆笈多 大德於此世 當廣作佛事

今時阿育王復問上座耶舍優波笈多為生

已未大德耶舍答言已生在優樓漫陀山除

一切煩惱諸阿羅漢悉隨從之攝受世間故

如一切智於天人阿脩羅及諸龍神等而為

說法是時長老優波笈多為一万八千阿羅

漢之所圍遶在那多婆哆寺時阿育王為諸

大目而說偈言

汝當速莊嚴 象馬車步兵 我欲往彼國

優樓漫陀山 為欲見大德 名優波笈多